
Oonheur

woarum toch lachs dow tegn mi-j

*dow wers joa
da'w met n beidn
- ooit -
oet de tied zölt komn*

t gevoar koomp körterbi-j

*en a'w temet dan smelt en oplöst
wat is dan nog de zin
dat dan een tegn ow zeg hef
vaa!
mool!*

*ok al is de lach doarbi-j
van goald en zulver maakt*

Ton Kolkman

Stilte

*now:
de zeerte oawerleafd hebn*

of: stilstoan?

*joarn
eenleustige köalte:
beens op dienn eenmood*

*dan:
vechtn nich meer,
meer ok ginne zeerte:*

dood leavn

Ton Kolkman